



Fru Sara Olsvig
Inatsisartuni ilaasortaq

EU-mi naatsorsuuserisarnermik malitassamut nutaamut tunngasumut apeqqut nr. 34-mut akissut

Inatsisartut suleriaasianni § 37, imm. 1 naapertorlugu naatsorsuuserisarnermik malitasamik nutaamik maannakkut suliaqarnermut Naalakkersuisut isumaannik tunngasumut Naalakkersuisunut apeqquteqarsimavutit. Apeqqutigisatit immikkoortortaqaqfinni aki-neqartussanngorlugit innersuutigineqarsimapput.

29. april 2013
Sagsnr. 2013-079666
Dok. Nr. 1202151

Apeqqut:

1. Naalakkersuisut qanoq isumaqarfigaat EU-mi naatsorsuuserinermit peqqussut maanna suliarineqartoq, Folketingemilu akuerineqaruni kunngip peqqusineratigut Nunatsinnut aamma atuuttussanngortinneqarsinnaasoq? Peqqussutip (Nunatsinni atuuttussanngortinneqassagaluaruni) qulakkiissavaa aatsitassarsiutileqatigiit nunanit allaneersut pisussaaffilerneqassasut naatsorsuutiminnik saqqummiussalissasut, naatsorsuutillu nunakkaartumik misissorneqarsinnaalissallutik, soorlu aamma suliffeqarfiup nunani tamalaani ingerlatsivigisamini akileraarutigisartagaat nalunaarutigineqartalissasut.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Akissut:

Inuussutissarsiorfiusunik nunanut tamalaanut tunngatinnerusunik ineriartortitsinermit atatillugu unammillerfigisassanik nunatta naapiligaanik Naalakkersuisut sianiginnipput. Ingerlatseqatigiiffiit naatsorsuutaannik kikkut tamarmik ilisimasaqarnerisa nukittorsarneri allat tamaasa naligiissillugit aamma malittarisassanut atuuttuusunut naapertuuttuutinnerisa akileraarutit akitsuutillu uppernarsarneqartarnerinik isumannaarisinnaallunilu nakkutiginninnissamik nukit-torsaassapput.

2. Pineqartoq pillugu Naalakkersuisut danskit naalakkersuisuinut suleqatigiissuteqalersaarpat, soorlu danskit ineriartortitsinermit Inuussutissarsiutinullu naalakkersuisuat 28. februar 2013 isumasioqatigineqarnermini un- nertoq danskit naalakkersuisui taamatut suleqatigiinnissamut piareer- simasut?

Akissut:

Aap. Tamanna apeqqumut siullermut akissumit malitsigisaavoq, tassalu ingerlatseqatigiiffiit pineqartut naatsorsuutaannik kikkut tamarmik ilisimasaqarsin- naanerinnik nukittorsaanissaq Kalaallit Nunaata Danmarkillu tamarmik so- qutigisarimmassuk.

Inuussutissarsiornermut Inuulluarnarsuisilunga

Jens-Erik Kirkegaard

INUIT ATAQATIGIIT

INATSISARTUNI



Nuuk, 16. april 2013

Inatsisartut suleriaasianni § 37 naapertorlugu matumuuna Naalakkersuisunut imak apeqquteqarpunga.
(Inatsisartuni ilaasortaq, Sara Olsvig, Inuit Ataqatigiit)

Apeqqutit:

- 1. Naalakkersuisut qanoq isumaqarfigaat EU-mi naatsorsuuserinermut peqqussut maanna suliarineqartoq, Folketingemilu akuerineqaruni kunngip peqqusineratigut Nunatsinnut aamma atuuttussanngortinneqarsinnaasoq? Peqqussutip (Nunatsinni atuuttussanngortinneqassagaluaruni) qulakkiissavaa aatsitassarsiutileqatigiit nunanit allaneersut pisussaaffilerneqassasut naatsorsuutiminnik saqqummiussisalissasut, naatsorsuutillu nunakkaartumik misissorneqarsinnaalissallutik, soorlu aamma suliffeqarfiup nunani tamalaani ingerlatsivigisamini akileraarutigisartagaat nalunaarutigineqartalissasut.**
- 2. Pineqartoq pillugu Naalakkersuisut danskit naalakkersuisuinut suleqatigiissuteqalersaarpat, soorlu danskit Ineriartortitsinermut Inuussutissarsiutinullu naalakkersuisuat 28. februar 2013 isumasioqatigineqarnermini unnertoq danskit naalakkersuisui taamatut suleqatigiinnissamut piareersimasut?**

Tunngavilersuut:

Nunatsinni aatsitassarsiornermi inuussutissarsiutinilu ammasumik ingerlatsineq pisariqartinneqarluinnarpoq, soorlu aamma piumasagaatit qaffasissut aqqisuussaasullu suliffeqarfissuarnut piumasagaataasariaqartut, nunatsinni ingerlatsiniassagunik. Nunani tamalaani taakkununga sammisanut tunngavilinnut suliniuteqarfinnik assigiinngitsunik isumaqatigiissuteqarnissaq periarfissaavoq. Periarfissat ilagaat EU-mi naatsorsuuserinermut peqqussutaat, piareersarneqarnermini aqqissorneqartoq suliffeqarfiit tamakkiisumik naatsorsuutaannik saqqummiuffiussisussaataaffilimmik, soorlu aamma nunamiit nunamut nalunaarsuineramik imaqartinneqartoq.

Partiinit naalakkersuisooqatigiilersimasunit siusinnerusukkut kissaatigineqartarsimavoq nunarput nunani tamalaani suliniaqatigiiffimmut Extractive Industries Transparency Initiativemut suleqataalertariaqartoq. Taamaaliornerli taamaallaat suliffeqarfiit akileraarutaat akitsuusiinernullu akiliutaannut tunngavoq naatsorsuutinut tamakkiisunut tunngaveqarnani. Taamaattumik EU-mi naatsorsuuserinermut peqqussut tassaasorinarpoq suleqataaffigilissallugu piukkunnarnerusoq, soorlu aamma soqutigisarissagipput marloqiusamik nalunaarsuisariaqannginissaq.